

vode i seoske javne bunare usuglasit će se sa odredbama ovog zakona u roku od godinu dana od dana stupanja na snagu ovog zakona.

Vlasnici postojećih mjesnih vodovoda, seoskih vodovoda odnosno seoskih javnih bunara dužni su, suglasno stavku 1. ovog članka, da podnesu zahtjev za izdavanje nove vodoprivredne dozvole za te objekte u roku od šest mjeseci od dana stupanja na snagu ovog zakona.

Uz zahtjev za izdavanje nove vodoprivredne dozvole za mjesni vodovod, seoski vodovod odnosno seoski javni bunar, u smislu stavka 2. ovog članka, vlasnici mjesnog vodovoda, seoskog vodovoda odnosno javnog seoskog bunara dužni su podnijeti ugovor o održavanju i iskorištavanju mjesnog vodovoda, seoskog vodovoda odnosno seoskog javnog bunara ovjeren u sudu ili općini (članak 81. stavak 2.), elaborat o zaštitnim zonama izvorišta mjesnog vodovoda, seoskog vodovoda odnosno javnog seoskog bunara u kome su određene veličine i granice zaštitnih zona (članak 85. stavak 1.), kao i dokaz o zdravstvenoj ispravnosti vode za piće iz mjesnog vodovoda, seoskog vodovoda odnosno seoskog javnog bunara (članak 79. stavak 2. točka 4.).

Vlasnicima postojećih mjesnih vodovoda, seoskih vodovoda odnosno javnih seoskih bunara koji u roku od šest mjeseci od dana stupanja na snagu ovog zakona ne podnesu zahtjev za izdavanje nove vodoprivredne dozvole prestaje važnost vodoprivredne dozvole izdate prije stupanja na snagu ovog zakona, a rješenjem Kantonalne vodoprivredne inspekcije zabranit će im se uporaba mjesnog vodovoda, seoskog vodovoda odnosno javnog seoskog bunara za koji nije tražena nova vodoprivredna dozvola.

#### Članak 102.

Vlasnici postojećih mjesnih vodovoda, seoskih vodovoda odnosno javnih seoskih bunara za koje nije pribavljena vodoprivredna dozvola do dana stupanja na snagu ovog zakona, dužni su da podnesu zahtjev za izdavanje vodoprivredne dozvole u roku od šest mjeseci od dana stupanja na snagu ovog zakona.

Uz zahtjev za izdavanje vodoprivredne dozvole iz stavka 1. ovog članka prilaže se dokumentacija propisana u članku 101. stavak 3. ovog zakona.

Vlasnicima postojećih mjesnih vodovoda, seoskih vodovoda odnosno javnih seoskih bunara koji u roku od šest mjeseci od dana stupanja na snagu ovog zakona ne podnesu zahtjev za izdavanje vodoprivredne dozvole, rješenjem Kantonalne vodoprivredne inspekcije zabranit će se uporaba mjesnog vodovoda, seoskog vodovoda odnosno javnog seoskog bunara za koji nije tražena vodoprivredna dozvola iz stavka 1. ovog članka.

#### Članak 103.

Općinska uprava dužna je najkasnije u roku od godinu dana od dana stupanja na snagu ovog zakona da ustroji evidenciju o mjesnim vodovodima i seoskim vodovodima (članak 92.).

#### Članak 104.

Pravne osobe i građani, vlasnici stambenih i gospodarskih objekata, kao i vikend kuća, koje su podignute izvan naseljenih mjesta prije stupanja na snagu ovog zakona, dužni su da izgrade nepropusne septičke jame i na iste priključe stambene i gospodarske objekte odnosno vikend kuće u roku od 3 godine od dana stupanja na snagu ovog zakona.

#### Članak 105.

Podzakonski propisi sukladno odredbama ovog zakona donijet će se u roku od godinu dana od dana stupanja na snagu ovog zakona.

Podzakonski propisi i odluke općinskog vijeća sukladno odredbama ovog zakona donijet će se u roku od godine dana od dana stupanja na snagu ovog zakona. Iznimno od odredbe iz stavka 1. ovog članka podzakonski propisi iz članka 48. i 49. ovog zakona donijet će se kada se za to stvore uvjeti.

#### Članak 106.

Do donošenja podzakonskog akta iz članka 117. stavak 6. Federalnog zakona i podzakonskog akta iz članka 117. stavak 9. Federalnog zakona odnosno odluke Vlade Kantona iz članka 57. stavak 1. ovog zakona, primjenjivat će se odluke o zaštiti izvorišta koje su donijeli nadležni organi općina prije stupanja na snagu Federalnog zakona i ovog zakona.

#### Članak 107.

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj 01-44/2000.  
19. travanj 2000. godine  
Zenica

**PREDSJEDAVALJUĆI**  
**SKUPŠTINE**  
Šefik Džaferović, s.r.

62.

Na osnovu člana 37. tačka h. Ustava Zeničko-dobojskog kantona Skupština Zeničko-dobojskog kantona, na 17. sjednici održanoj 19.04.2000. godine, donijela je

## Z A K O N O JAVNOM REDU I MIRU

### Član 1.

Ovim zakonom uređuje se javni red i mir na području Zeničko-dobojskog kantona (u daljem tekstu: Kanton), utvrđuju djela kojima se povređuje javni red i mir i propisuju prekršajne sankcije za postupke i ponašanja kojima se narušava i ugrožava sigurnost i lično dostojanstvo građana na javnim mjestima, vrijeđa moral, ometa rad organa vlasti, privrednih društava i drugih lica, pravilno korištenje javnih, poslovnih, stambenih i drugih objekata, ugrožava sigurnost imovine, prodaje, kupuje ili nudi domaći ili strani novac, propisuju uvjeti i postupak za priređivanje javnih skupova, vatrometa i sličnih priredbi, kao i druga djela kojima se povređuje javni red i mir.

**Član 2.**

Pod javnim mjestom, u smislu ovog zakona, podrazumijeva se mjesto na koje je slobodan pristup pojedinačno neodređenim licima bez uvjeta ili pod određenim uvjetima.

**Član 3.**

Prekršaj javnog reda i mira čini:

1. ko na javnom mjestu narušava javni red i mir svađom, vikom, nepristojnim ili drskim ponašanjem;
2. ko na javnom mjestu narušava javni red i mir učestvovanjem u tuči, zlostavljanjem ili fizičkim napadom na drugog, ili ko izazove tuču, odnosno zlostavljanje ili fizički napad na drugog;
3. ko na javnom mjestu narušava javni red i mir naročito drskim ponašanjem;
4. ko ugrožava sigurnost ili izaziva osjećanje ugroženosti drugog lica prijetnjom da će napasti na njegov život ili tijelo;
5. ko ne postupi po naredbi ili rješenju organa vlasti kojim se zabranjuje pristup ili zadržavanje na određenom mjestu ili ometa ili omalovažava organe vlasti, privredna društva, odnosno druga pravna lica koja vrše javna ovlaštenja ili njihova službena lica, odnosno odgovorna lica prilikom vršenja ili u vezi sa vršenjem službenih poslova i zadataka, ili ko ne postupi po određenom zakonitom zahtjevu njihovog službenog lica;
6. ko na javnom mjestu govorom, pisanjem ili na drugi način vrijeđa vjerska, nacionalna, moralna i rasna osjećanja građana;
7. ko neovlašteno na javnom mjestu prodaje, kupuje ili mijenja domaći ili strani novac ili papire od vrijednosti;
8. ko na javnom mjestu, bez odobrenja nadležnog organa, prodaje ili nudi na prodaju ulaznice za sportske i druge priredbe po cijenama višim od označenih;
9. ko na javnom mjestu pocijepa ili na drugi način uništi ili ošteti novac države BiH;
10. ko ukloni, pocijepa ili na drugi način ošteti javno istaknute objave, odnosno oglase organa vlasti, privrednih društava i drugih pravnih lica, ako su oni istaknuti u skladu sa propisima Kantona odnosno općine, ili spriječi isticanje ili istiche te javne objave ili oglase suprotno propisima Kantona odnosno općine;
11. ko se drugom lažno predstavi u pogledu svoje službene ili društvene funkcije, odnosno položaja ili ko upotrijebi lažne lične podatke kao svoje ili ko potvrdi tuđe lažne lične podatke, kao i ko neovlašteno nosi službene oznake;
12. ko daje alkoholna pića pijanom licu, maloljetniku, duševno bolesnom licu ili licu zaostalog duševnog razvoja;
13. ko na javnom mjestu uživa opojnu drogu ili psihotropne supstance;
14. ko prosjači ili se odaje skitnji;
15. ko navodi na prosjačenje maloljetno lice ili duševno bolesno lice ili lice zaostalog duševnog razvoja;

16. ko igra hazardnu igru ili drugu sličnu igru tako da igra gubi društveno-zabavni karakter, ili ko za to iznajmi, odnosno ustupi prostorije;
17. ko se odaje prostituciji ili ko iznajmi, odnosno ustupi prostorije za vršenje prostitucije;
18. ko drugog navodi na prostituciju ili posreduje u vršenju prostitucije;
19. ko na javnom mjestu naručava javni red i mir izvođenjem pjesama i muzike ili reprodukcijom iste, bez odobrenja ili protivno odobrenju nadležnog organa;
20. ko neopravdano zalazi ili se neopravdano zadržava u zajedničkim prostorijama (stubište, tavan, podrum, šupe, ograđeno dvorište i sl.) stambene zgrade u kojoj ne stanuje;
21. ko na javnom mjestu ustupa, prodaje, kupuje ili nudi petarde i druga pirotehnička sredstva bez odobrenja nadležnog organa;
22. ko na javnom mjestu puca iz vatrenog oružja, pali rakete, petarde ili sličan eksplozivni ili zapaljivi materijal bez odobrenja nadležnog organa;
23. ko priredi vatromet ili sličnu priredbu bez propisane najave ili mimo zabrane nadležnog organa ili ko ne preduzme mjere obezbjeđenja koje je dužan preduzeti po odredbi člana 5. stav 3. ovog Zakona;
24. ko neovlašteno vrši fotografisanje ili skiciranje objekata ili mjesta koja su označena kao zabranjena za fotografisanje ili skiciranje;
25. roditelj, usvojlac, odnosno staralac maloljetnika koji je učinio prekršaj protiv javnog reda i mira propisan ovim zakonom, ako je izvršenje prekršaja posljedica njihovog propuštanja dužnog staranja o maloljetniku, a u mogućnosti su da takav nadzor vrše.  
Odredbe tačke 5. ovog člana odnose se na organe vlasti, privredna društva i druga pravna lica i njihova odgovorna lica samo u pogledu vršenja javnih ovlaštenja.

**Član 4.**

Za prekršaje iz člana 3. stav 1. tač. 1. do 10. i tačke 14. ovog zakona učinilac će se kazniti i kada je prekršaj izvršen;

1. u prostorijama organa vlasti, privrednih društava i drugih pravnih lica;
2. u zajedničkim prostorijama (dvorište, stubište, podrum, šupe, tavan i sl. stambene zgrade) u kojoj je nastanjeno više stanara, kad je u te prostorije omogućen pristup i licima koja ne stanuju u toj zgradi, odnosno stubištu;
3. na drugim mjestima kad je usljed blizine ili izloženosti vidiku izvršenom radnjom narušen javni red i mir.

**Član 5.**

Priredivanje vatrometa i sličnih priredbi mora se prijaviti policijskoj upravi Ministarstva unutrašnjih poslova Kantona, (u daljem tekstu: policijska uprava) na čijem području će se priredba održati najkasnije 15 (petnaest) dana prije održavanja priredbe.

U prijavi, pored ostalog, mora se navesti mjesto, vrijeme i svrha održavanja priredbe, količina pirotehničkih sredstava koja će se upotrijebiti kao i mjere obezbjeđenja koje će se preduzeti.

Priredivač je dužan da sprovodi mjere obezbjeđenja koje mu rješenjem odredi policijska uprava.

Policijska uprava može zabraniti održavanje priredbe iz stava 1. ovog člana ako to zahtijevaju razlozi javne bezbjednosti. U tom slučaju nadležni organ dužan je donijeti rješenje o zabrani i dostaviti ga priredivaču najkasnije 7 dana prije održavanja priredbe.

Žalba izjavljena protiv rješenja iz st. 3. i 4. ovog člana ne odlaže izvršenje.

#### Član 6.

Učinilac će se kazniti:

1. za prekršaj iz člana 3. tačka 6., 7., 9., 13., 17., 18. i 22. ovog zakona novčanom kaznom od 200 do 500 KM.
2. za prekršaj iz člana 3. tačka 2., 3., 4., 5., 14., 15., 16., 20. i 21. ovog zakona novčanom kaznom od 150 do 400 KM.
3. za prekršaj iz člana 3. tačka 8., 10., 11., 12., 19., 23., 24., 25. i 26. ovog zakona novčanom kaznom od 100 do 300 KM.
4. za prekršaj iz člana 3. tačka 1. ovog zakona novčanom kaznom od 50 KM.

Novčanu kaznu iz tačke 4. prethodnog stava na licu mjesta izriču i naplaćuju službenici policije.

#### Član 7.

Novčanom kaznom od 500 do 5.000 KM kaznit će se za prekršaj privredno društvo ili drugo pravno lice koje iznajmi odnosno ustupi prostorije za igranje hazardnih i njima sličnih igara (član 3. tačka 16.) ili za vršenje prostitucije (član 3. tačka 17).

Za prekršaj iz prethodnog stava kaznit će se odgovorno lice u privrednom društvu ili drugom pravnom licu novčanom kaznom od 100 do 500 KM.

Građanin koji samostalno obavlja ugostiteljsku djelatnost (u daljem tekstu: ugostitelj) koji iznajmi ili ustupi prostorije u ugostiteljskoj radnji za igranje hazardnih ili njima sličnih igara ili za vršenje prostitucije, kaznit će se za prekršaj novčanom kaznom od 500 do 5.000 KM.

Za prekršaj iz prethodnog stava kaznit će se i lice kome je povjereno vođenje ugostiteljske radnje novčanom kaznom od 100 do 500 KM.

#### Član 8.

Privredno društvo ili drugo pravno lice, odgovorno lice u tom privrednom društvu ili drugom pravnom licu, imalac radnje ili lica kome je povjereno vođenje radnje, dužni su preduzimati mjere za održavanje javnog reda i mira u njihovim poslovnim prostorijama kada je to moguće bez opasnosti za sebe ili drugog i slučajeve narušavanja javnog reda i mira odmah prijaviti policijskoj upravi ili službeniku policije.

Privredno društvo ili drugo pravno lice koje ne postupi po odredbama prethodnog stava kaznit će se za prekršaj novčanom kaznom od 100 do 4.000 KM.

Za prekršaj iz stava 1. ovog člana kaznit će se odgovorno lice u privrednom društvu ili drugom pravnom licu, novčanom kaznom od 50 do 800 KM.

Imalac radnje koji ne postupi po odredbi stava 1. ovog člana kaznit će se za prekršaj novčanom kaznom od 100 do 3.000 KM, a lice kome je povjereno vođenje radnje od 50 do 200 KM.

Za prekršaj iz prethodnog stava imalac radnje može se izreći zaštitna mjera zabrane obavljanja samostalne djelatnosti.

Imalac radnje koji postupi protivno izrečenoj zaštitnoj mjeri iz stava 5. ovog člana kaznit će se za prekršaj novčanom kaznom od 1.000 do 5.000 KM.

#### Član 9.

Za prekršaj iz člana 3. tačka 23. ovog zakona pravno lice kaznit će se novčanom kaznom od 100 do 3.000 KM, a odgovorno lice u pravnom licu novčanom kaznom od 50 do 1.000 KM.

#### Član 10.

Za prekršaj iz člana 3. stav 1. može se izreći i zaštitna mjera oduzimanja predmeta koji su upotrijebljeni ili su bili namjenjeni za izvršenje prekršaja, ili su nastali izvršenjem prekršaja.

Za prekršaje iz člana 3. stav 1. ovog zakona strancu se može izreći i zaštitna mjera udaljenje stranca sa teritorije Kantona u trajanju od šest mjeseci do tri godine.

Zaštitne mjere po odredbama st. 1. i 2. ovog člana mogu se izreći i ako kazna za prekršaj nije izrečena.

#### Član 11.

Službenici policije, kada u vršenju službenih poslova i zadataka saznaju za prekršaj propisan ovim zakonom, mogu privremeno oduzeti predmete koji su upotrijebljeni ili su bili namjenjeni za izvršenje prekršaja ili koji su nastali izvršenjem prekršaja, kao i predmete koji mogu poslužiti kao dokaz u prekršajnom postupku.

O privremenom oduzimanju predmeta službenici policije licu od koga su oduzeti predmeti izdaju potvrdu koja sadrži naziv i sjedište organa čiji je službenik oduzeo predmete, naziv, vrstu i količinu oduzetih predmeta, ime i prezime lica od koga su oduzeti predmeti i njegovu adresu, razlog oduzimanja, datum, vrijeme i mjesto oduzimanja, pečat i potpis ovlaštenog lica.

#### Član 12.

Općinsko vijeće može, u skladu sa članom 1. ovog zakona, svojom odlukom propisati i druge prekršaje protiv javnog reda i mira.

#### Član 13.

Danom stupanja na snagu ovog zakona, na području Zeničko-dobojskog kantona, neće se primjenjivati

Zakon o javnom redu i miru - prečišćeni tekst ("Službene novine SR BiH", broj 42/90).

#### Član 14.

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj 01-42/2000  
19.04.2000. godine  
Zenica

**PREDSJEDAVALA**  
**SKUPŠTINE**  
Šefik Džaferović, s.r.

#### 62.

Na temelju članka 37. točka h. Ustava Zeničko-dobojskog kantona Skupština Zeničko-dobojskog kantona, na 17. sjednici održanoj 19.04.2000. godine, donijela je

### ZAKON O JAVNOM REDU I MIRU

#### Članak 1.

Ovim zakonom uređuje se javni red i mir na području Zeničko-dobojskog kantona (u daljem tekstu: Kanton), utvrđuju djela kojima se povrjeđuje javni red i mir i propisuju prekršajne sankcije za postupke i ponašanja kojima se narušava i ugrožava sigurnost i osobno dostojanstvo građana na javnim mjestima, vrijeđa moral, ometa rad organa vlasti, gospodarskih društava i drugih osoba, pravilno korištenje javnih, poslovnih, stambenih i drugih objekata, ugrožava sigurnost imovine, prodaje, kupuje ili nudi domaći ili strani novac, propisuju uvjeti i postupak za priređivanje javnih skupova, vatrometa i sličnih priredbi, kao i druga djela kojima se povrjeđuje javni red i mir.

#### Članak 2.

Pod javnim mjestom, u smislu ovog zakona, podrazumijeva se mjesto na koje je slobodan pristup pojedinačno neodređenim osobama bez uvjeta ili pod određenim uvjetima.

#### Članak 3.

Prekršaj javnog reda i mira čini:

1. ko na javnom mjestu narušava javni red i mir svađom, vikom, nepristojnim ili drskim ponašanjem;
2. ko na javnom mjestu narušava javni red i mir učestvovanjem u tuči, zlostavljanjem ili fizičkim napadom na drugog, ili ko izazove tuču, odnosno zlostavljanje ili fizički napad na drugog;
3. ko na javnom mjestu narušava javni red i mir naročito drskim ponašanjem;
4. ko ugrožava sigurnost ili izaziva osjećanje ugroženosti druge osobe prijetnjom da će napasti na njegov život ili tijelo;
5. ko ne postupi po naredbi ili rješenju organa vlasti kojim se zabranjuje pristup ili zadržavanje na određenom mjestu ili ometa ili omalovažava organe vlasti, gospodarska društva, odnosno druge pravne osobe koje obavljaju javna ovlaštenja ili njihove službene osobe, odnosno odgovorne osobe prilikom

obavljanja ili u svezi sa obavljanjem službenih poslova i zadataka, ili ko ne postupi po određenom zakonitom zahtjevu njihove službene osobe;

6. ko na javnom mjestu govorom, pisanjem ili na drugi način vrijeđa vjerska, nacionalna, moralna i rasna osjećanja građana;
7. ko neovlašteno na javnom mjestu prodaje, kupuje ili mijenja domaći ili strani novac ili papire od vrijednosti;
8. ko na javnom mjestu, bez odobrenja nadležnog organa, prodaje ili nudi na prodaju ulaznice za sportske i druge priredbe po cijenama višim od označenih;
9. ko na javnom mjestu pocijepa ili na drugi način uništi ili ošteti novac države BiH;
10. ko ukloni, pocijepa ili na drugi način ošteti javno istaknute objave, odnosno oglase organa vlasti, gospodarskih društava i drugih pravnih osoba, ako su oni istaknuti sukladno propisima Kantona odnosno općine, ili spriječi isticanje ili ističe te javne objave ili oglase suprotno propisima Kantona odnosno općine;
11. ko se drugom lažno predstavi glede svoje službene ili društvene funkcije, odnosno položaja ili ko upotrijebi lažne osobne podatke kao svoje ili ko potvrdi tuđe lažne osobne podatke, kao i ko neovlašteno nosi službene oznake;
12. ko daje alkoholna pića pijanoj osobi, maloljetniku, duševno bolesnoj osobi ili osobi zaostalog duševnog razvoja;
13. ko na javnom mjestu uživa opojnu drogu ili psihotropne supstance;
14. ko prosjači ili se odaje skitnji;
15. ko navodi na prosjačenje maloljetne osobe ili duševna bolesnu osobu ili osobu zaostalog duševnog razvoja;
16. ko igra hazardnu igru ili drugu sličnu igru tako da igra gubi društveno-zabavni karakter, ili ko za to iznajmi, odnosno ustupi prostorije;
17. ko se odaje prostituciji ili ko iznajmi, odnosno ustupi prostorije za obavljanje prostitucije;
18. ko drugog navodi na prostituciju ili posreduje u obavljanju prostitucije;
19. ko na javnom mjestu naručava javni red i mir izvođenjem pjesama i glazbe ili reprodukcijom iste, bez odobrenja ili protivno odobrenju nadležnog organa;
20. ko neopravdano zalazi ili se neopravdano zadržava u zajedničkim prostorijama (stubište, tavan, podrum, šupe, ograđeno dvorište i sl.) stambene zgrade u kojoj ne stanuje;
21. ko na javnom mjestu ustupa, prodaje, kupuje ili nudi petarde i druga pirotehnička sredstva bez odobrenja nadležnog organa;
22. ko na javnom mjestu puca iz vatrenog oružja, pali rakete, petarde ili sličan eksplozivni ili zapaljivi materijal bez odobrenja nadležnog organa;
23. ko priredi vatromet ili sličnu priredbu bez propisane najave ili mimo zabrane nadležnog organa ili ko ne poduzme mjere osiguranja koje je dužan poduzeti po odredbi članka 5. stavak 3. ovog Zakona;

ovog Zakona pripada pravo na položajni dodatak.

Položajni dodatak premijera Kantona i Članakova Vlade Kantona - ministara, iznosi 20% od njihove osnovne plaće.

Položajni dodatak za ravnatelja Agencije za privatizaciju Zeničko-dobojskog kantona iznosi 10% od njegove osnovne plaće.

#### Članak 6.

Rukovoditelji izvršnih organa vlasti iz članka 1. ovog Zakona imaju pravo na stimulatívni dio plaće u iznosu do 20% od osnovne plaće, zavisno od ostvarenih rezultata rada, koji se utvrđuju po temelju:

- obima izvršenih poslova,
- kvaliteta izvršenih poslova,
- blagovremenosti u izvršavanju poslova,
- racionalnosti u trošenju radnog vremena,
- ostvarenih ušteda u radu,
- efekata urađenog posla.

Stimulaciju premijera Kantona utvrđuje predsjedavajući Skupštine Zeničko-dobojskog kantona.

Visinu stimulacije ministrima i ravnatelju Agencije za privatizaciju Zeničko-dobojskog kantona utvrđuje premijer Kantona.

#### Članak 7.

Plaće utvrđene ovim Zakonom isplaćuju se unatrag, najmanje jedanput mjesečno, ako propisom Vlade Kantona nije drugačije utvrđeno.

#### Članak 8.

Na pitanja u vezi plaća i drugih primanja i naknada koja nisu uređena ovim Zakonom, primjenjuju se odgovarajući propisi kojima su ta pitanja uređena za službenike kantonalnih organa uprave, odnosno opći propisi o radu, kolektivni ugovor i drugi propisi Skupštine Kantona i Vlade Kantona.

#### Članak 9.

Danom stupanja na snagu ovog Zakona prestaje primjena odredaba o plaćama iz Odluke o plaćama i naknadama rukovoditelja izvršnih organa vlasti Zeničko-dobojskog kantona i službenika izvršnih organa vlasti koje imenuje, odnosno postavlja Vlada Zeničko-dobojskog Kantona, broj: 02-34-10506/01, koju je donijela Vlada Kantona, na prijedlog Povjerenstva za administrativna pitanja, dana 25.06.2001. godine, u dijelu koji se odnosi na funkcionere iz članka 1. ovog Zakona.

#### Članak 10.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-23149/03  
30.10.2003.godine  
Zenica

**PREDSJEDAVAJUĆI**  
*Husejin Smajlović, s.r.*

292.

Na temelju poglavlja V, odjeljka A, članka 37. točka h Ustava Zeničko-dobojskog kantona ("Službene novine Federacije Bosne i Hercegovine", broj 7/96 i "Službene novine Zeničko-dobojskog kantona" broj 01/96 i 10/00), Skupština Zeničko-dobojskog kantona na XII sjednici, održanoj 29.10.2003.g. donosi

## ZAKON O IZMJENAMA I DOPUNAMA ZAKONA O JAVNOM REDU I MIRU

#### Članak 1.

U Zakonu o javnom redu i miru ("Službene novine Zeničko-dobojskog kantona", broj 8/00) u Članaku 3. stav 1. točka 13. iza riječi "mjestu" dodaju se riječi:

"posjeduje ili".

Točka 19. mijenja se i glasi:

"Ko na javnom mjestu organiziranjem ili izvođenjem ili reprodukcijom glazbe narušava javni red i mir".

U točki 20. na kraju teksta, iza riječi "ne stanuje" brišu se točka i zarez i dodaju riječi:

"ili na privatnom posjedu bez suglasnosti vlasnika, odnosno posjednika;".

#### Članak 2.

Iza članka 3. dodaje se novi članak 3a. koji glasi:

#### "Članak 3a.

Kao naročito drsko ponašanje iz članka 3. stavak 1. točka 3. smatra se grubo vrijeđanje druge osobe ili drugo bezobzirno ponašanje kojim se ugrožava sigurnost građana ili kojim se može izazvati osjećanje ugroženosti, uzmenirenosti ili negodovanja građana."

#### Članak 3.

U članaku 6. stavak 1. točke 1. 2. i 3. mijenjaju se i glase: "za prekršaj iz članka 3. točka 2., 3., 4., 5., 13., 17., 18. i 22. ovog zakona novčanom kaznom od 200-500 KM ili kaznom zatvora do 60 dana".

2. "za prekršaj iz članka 3. točka 6., 7., 9., 14., 15., 16., 20. i 21. ovog zakona novčanom kaznom od 150-400 KM ili kaznom zatvora do 30 dana".

3. "za prekršaj iz članka 3. točka 8., 10., 11., 12., 19., 23., 24. i 25. ovog zakona novčanom kaznom od 100-300 KM".

#### Članak 4.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-23118/03  
29.10.2003.godine  
Zenica

**PREDSJEDAVAJUĆI**  
*Husejin Smajlović, s.r.*



# SLUŽBENE NOVINE

## ZENIČKO - - DOBOJSKOG KANTONA

Godina XII - Broj 11

ZENICA, Petak, 06.07.2007.

### SKUPŠTINA

116.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 7. sjednici, održanoj 06.06.2007. godine, d o n o s i

### ZAKON O IZMJENAMA ZAKONA O KANTONALNOM TUŽILAŠTVU ZENIČKO- DOBOJSKOG KANTONA

#### Član 1.

U članu 10. Zakona o Kantonalnom tužilaštvu Zeničko-dobojskog kantona („Službene novine Zeničko-dobojskog kantona“, broj: 5/03) riječi „predsjednika, odnosno potpredsjednika“ zamjenjuju se riječju „premijera“.

#### Član 2.

Član 14. mijenja se i glasi:

(1) „Propisi o radnim odnosima državnih službenika i namještenika shodno se primjenjuju i na državne službenike i namještenike u Tužilaštvu.

(2) Propisi o organizaciji organa uprave koji se odnose na rukovođenje i odgovornost rukovodilaca organa uprave, shodno se primjenjuju na glavnog tužioca, njegove zamjenike i tužioce, ako posebnim zakonom nije drugačije propisano“.

#### Član 3.

Član 31. mijenja se i glasi:

(1) „Tužilaštvo ima sekretara kojeg u skladu sa Zakonom o državnoj službi u Federaciji Bosne i Hercegovine („Službene novine Federacije Bosne i Hercegovine“, broj: 29/03, 23/04, 39/04, 54/04, 67/05 i 8/06) postavlja glavni tužilac.

(2) Sekretar obavlja poslove od značaja za unutrašnju organizaciju Tužilaštva i ostale poslove u skladu sa Zakonom o državnoj službi u Federaciji Bosne i Hercegovine i

podzakonskim aktima, te pomaže glavnom tužiocu u obavljanju poslova iz člana 30. stav 2. ovog Zakona.

(3) Sekretar Tužilaštva pomaže glavnom tužiocu u pripremi i izvršavanju budžeta Tužilaštva“.

#### Član 4.

U članu 32. stav 2. riječ „arhivarom“ zamjenjuje se riječju „sekretarom“.

#### Član 5.

U članu 35. stav 2. riječ „arhivara“ zamjenjuje se riječju „sekretara“.

#### Član 6.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-13619/07

**PREDSJEDAVALAČI**

Datum, 07.06.2007. godine

Zenica

Sejad Zaimović, s.r.

117.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 7. sjednici održanoj 06.06.2007. godine, d o n o s i:

### ZAKON O IZMJENAMA ZAKONA O JAVNOM REDU I MIRU

#### Član 1.

U Zakonu o javnom redu i miru («Službene novine Zeničko-dobojskog kantona», broj: 8/00 i 15/03), u članu 6. stav 1. u tački 1. riječi «ili kaznom zatvora do 60 dana» se brišu, u tački 2. riječi «ili kaznom zatvora do 30 dana» se brišu.

Stav 2. se briše.

**Član 2.**

Ovaj zakon stupa na snagu osmog dana od dana objavljivanja u «Službenim novinama Zeničko-dobojskog kantona».

Broj: 01-02-13620/07

**PREDSJEDAVALA**

Datum, 07.06.2007. godine

Zenica

Sejad Zaimović, s.r.

**118.**

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 7. sjednici održanoj 06.06.2007. godine, d o n o s i:

**ZAKON O IZMJENAMA  
ZAKONA O BEZBJEDNOSTI  
ODRŽAVANJA SPORTSKIH TAKMIČENJA  
U ZENIČKO-DOBOJSKOM KANTONU**

**Član 1.**

U Zakonu o bezbjednosti održavanja sportskih takmičenja u Zeničko-dobojskom kantonu ("Službene novine Zeničko-dobojskog kantona", broj: 2/06) u članu 34. u stavu 1. zarez i riječi "kazna zatvora" se brišu.

**Član 2.**

U članu 35. stav 1. mijenja se i glasi:

"Nadležni općinski sud može počinitelju prekršaja propisanog ovim Zakonom, uz novčanu kaznu, pored zaštitnih mjera propisanih Zakonom o prekršajima Federacije Bosne i Hercegovine ("Službene novine Federacije Bosne i Hercegovine", broj: 31/06), izreći i zaštitnu mjeru zabrane prisustvovanja sportskim takmičenjima u trajanju od tri mjeseca do jedne godine."

**Član 3.**

U članu 36. riječi "Suda za prekršaje" zamjenjuju se riječima "općinskog suda".

**Član 4.**

U članu 40. u stavu 1. riječi "ili kaznom zatvora u trajanju do 60 dana" i u stavu 2. i 3. riječi "ili kazne zatvora" se brišu.

**Član 5.**

Ministar unutrašnjih poslova Zeničko-dobojskog kan-

tona, dužan je u roku od 30 dana od dana stupanja na snagu ovog Zakona, Instrukciju iz člana 35. Zakona, uskladiti sa odredbama ovog zakona.

**Član 6.**

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-13621/07

**PREDSJEDAVALA**

Datum, 07.06.2007. godine

Zenica

Sejad Zaimović, s.r.

**119.**

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 7. sjednici održanoj dana 06.06.2007. godine, d o n o s i:

**O D L U K U**

**o izmjenama Odluke o utvrđivanju i  
načinu izmirenja unutrašnjeg duga  
Zeničko-dobojskog kantona**

**Član 1.**

U Odluci o utvrđivanju i načinu izmirenja unutrašnjeg duga Zeničko-dobojskog kantona („Službene novine Zeničko-dobojskog kantona“, broj 10/05), u članu 4. u tački a), broj „6.230.000,00“, zamjenjuje se brojem „4.880.000,00“, a u tački c), broj „700.000,00“, zamjenjuje se brojem „2.050.000,00“.

**Član 2.**

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 01-14-13623/07

**PREDSJEDAVALA**

Datum, 07.06.2007. godine

Zenica

Sejad Zaimović, s.r.

**120.**

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 7. sjednici održanoj dana 06.06.2007. godine, donosi:

**O D L U K U**

**o davanju saglasnosti na kreditno  
zaduženje**

Na razdjelu 16, budžetska organizacija 05, potrošačka jedinica 0001 - KANTONALNO PRAVOBRANILAŠTVO,

- ekonomski kod 61200 - Doprinos poslodavcu i ostali doprinosi, u koloni 8, cifra "26.400" zamjenjuje se cifrom "25.140" i u koloni 8, na poziciji UKUPNO cifra "327.170" zamjenjuje se cifrom "325.910".

Na razdjelu 20, budžetska organizacija 01, potrošačka jedinica 0001 - MINISTARSTVO ZA RAD, SOCIJALNU POLITIKU I IZBJEGLICE

- ekonomski kod 614200 - Transfer pojedincima, u koloni 8, cifra "20.810.000" zamjenjuje se cifrom "23.610.000", u koloni 12, cifra "23.060.000" zamjenjuje se cifrom "25.860.000" i u koloni 13, cifra "134" zamjenjuje se cifrom "150",
- U okviru ekonomskog koda 614200 - Transfer pojedincima iza subanalitike KAD 219 - Pomoć u prehrani djeteta do 6. mjeseci i dodatna ishrana majke dojilje uvodi se novi red u koloni 5, subanalitika KAD 220, u koloni 6, Naziv pozicije - Transfer JU Službi za zapošljavanje Zeničko – dobojskog kantona za isplatu naknada za nezaposlene, u koloni 8, cifra "2.800.000" i u koloni 12, cifra "2.800.000",
- na poziciji UKUPNO, u koloni 8, cifra "21.624.400" zamjenjuje se cifrom "24.424.400", koloni 12, cifra "24.024.400" zamjenjuje se cifrom "26.824.400" i u koloni 13, cifra "133" zamjenjuje se cifrom "149".

Na razdjelu 22, budžetska organizacija 01, potrošačka jedinica 0001 - MINISTARSTVO ZA OBRAZOVANJE, NAUKU, KULTURU I SPORT,

- ekonomski kod 614200 - Transfer pojedincima, u koloni 11, cifra "43.000" zamjenjuje se cifrom "1.467.000", u koloni 12, cifra "8.079.500" zamjenjuje se cifrom "9.503.500" i u koloni 13, cifra "140" zamjenjuje se cifrom "165",
- U okviru ekonomskog koda 614200, subanalitika MAD 205 - Transfer za nabavku udžbenika, u koloni 11, cifra "43.000" zamjenjuje se cifrom "1.467.000", u koloni 12, cifra "96.500" zamjenjuje se cifrom "1.520.500" i u koloni 13, cifra "146" se briše,
- Na poziciji UKUPNO, u koloni 11, cifra "43.000" zamjenjuje se cifrom "1.467.000", u koloni 12, cifra "21.147.938" zamjenjuje se cifrom "22.571.938" i u koloni 13, cifra "153" zamjenjuje se cifrom "163".

Na razdjelu 22, budžetska organizacija 03, potrošačka jedinica 0006, u koloni 6, naziv pozicije "OPĆA GIMNAZIJA "EDHEM MULABDIĆ" MAGLAJ" mijenja se i glasi: "GIMNAZIJA "EDHEM MULABDIĆ" MAGLAJ".

Na razdjelu 22, budžetska organizacija 03, potrošačka jedinica 0015, u koloni 6, naziv pozicije "OPĆA GIMNA-

ZIJA ZAVIDOVIĆI" mijenja se i glasi: "GIMNAZIJA "RI-ZAH ODŽEČKIĆ" ZAVIDOVIĆI".

Na razdjelu 22, budžetska organizacija 03, potrošačka jedinica 0020, u koloni 6, naziv pozicije "OPĆA GIMNAZIJA ZENICA" mijenja se i glasi: "PRVA GIMNAZIJA ZENICA".

Na razdjelu 22, budžetska organizacija 03, potrošačka jedinica 0021, u koloni 6, naziv pozicije "PEDAGOŠKA GIMNAZIJA ZENICA" mijenja se i glasi: "DRUGA GIMNAZIJA ZENICA".

Na razdjelu 22, budžetska organizacija 03, potrošačka jedinica 0025, u koloni 6, naziv pozicije "JU MJEŠOVITA TRGOVINSKO-UGOSTITELJSKO-POLJOPRIVREDNA SREDNJA ŠKOLA ZENICA" mijenja se i glasi: "MJEŠOVITA SREDNJA ŠKOLA ZENICA".

Na razdjelu 22, budžetska organizacija 04, potrošačka jedinica 0010 – UNIVERZITET U ZENICI u koloni 4, ekonomski kod "821400" mijenja se i glasi: "821200".

#### Član 4.

Ove Izmjene i dopune Budžeta Zeničko-dobojskog kantona za 2008. godinu stupaju na snagu narednog dana od dana objavljivanja u "Službenim novinama Zeničko - dobojskog kantona".

Broj: 01-14-23320/08

**PREDSJEDAVALAČI**

Datum, 11.07.2008. godine

Zenica

Sejad Zaimović, s.r.

#### 252.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 20. sjednici održanoj dana 10.07.2008. godine, donosi:

#### ZAKON

#### **o izmjeni i dopunama Zakona o javnom redu i miru**

#### Član 1.

U Zakonu o javnom redu i miru ("Službene novine Zeničko-dobojskog kantona", broj: 8/00, 15/03 i 11/07), u članku 3. stav 1. iza tačke 25. dodaje se tačka 26. koja glasi:

„26. roditelj, usvojitelj, odnosno staratelj malodobnog djeteta koje je od strane policijskog službenika u periodu od 01.06. do 31.08. tekuće godine zatečeno na javnom mjestu u vremenu od 24,00 do 5,00 sati, a u periodu od 01.09. tekuće do 31.05. naredne godine zatečeno na javnom mjestu u vremenu od 23,00 do 5,00 sati bez nadzora roditelja, usvojitelja, odnosno staratelja“.

### Član 2.

U članu 6. stav 1. u tački 3. iza broja „24.“ stavlja se zarez „,” i briše riječ „i“, a iza broja „25.“ dodaje se riječ „i“ i broj „26.“.

### Član 3.

Ovaj zakon stupa na snagu osmog dana od dana objave u „Službenim novinama Zeničko-dobojskog kantona“.

Broj: 01-02-23321/08      **PREDSJEDAVAJUĆI**

Datum, 11.07.2008. godine

Zenica

Sejad Zaimović, s.r.  
.....

### 253.

Na osnovu člana 37. stav 1. tačka f. Ustava Zeničko-dobojskog kantona, Skupština Zeničko-dobojskog kantona, na 19. sjednici održanoj 01.07.2008. godine, donosi:

## O D L U K U

### o izmjeni Odluke o pristupanju izradi Prostornog plana Zeničko-dobojskog kantona

### Član 1.

U članu 3. Odluke o pristupanju izradi Prostornog plana Zeničko-dobojskog kantona („Službene novine Zeničko-dobojskog kantona“, broj: 13/02) iza riječi „je“ brojevi i riječ: „2002-2025 godina“ zamjenjuju se riječima i brojem koji glasi: „period od 20 godina“.

### Član 2.

Ova odluka stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-23-22391/08

**PREDSJEDAVAJUĆI**

Datum, 02.07.2008. godine

Zenica

Sejad Zaimović, s.r.  
.....